

3. runda umens activs 3. ligia:

Trun – Sevelen/ 8:1

Nossa equipa ha ella tiarza runda da quella sesiun astgau giugar la emprema ga a casa. Il giug ha giu liug la sonda, ils 26 da matg 2018, encunter la equipa da Sevelen.

Nus vein astgau passentar in bi di da tennis cun fetg bia sulegl e caudas temperaturas. In grond engraziament va a tuts e tuttas ch'ein vegnir speraso e fatg ina viseta a nus.

Simon Decurtins ha entschiet igl emprem giug da quella rund sin nies «center court». El ha giu certas miserias dad anflar siu giug usitau egl emprem set, la fin finala ha el denton gudignau suveran cun 7:5 / 6:3. Ils ulteriurs singuls ein ir senza problems en favur da nossa equipa. Il resultat sunter ils singuls ei stau 6:0 per Trun.

Il dubel nummera in cun Luca Pally e Simon Decurtins han fatg cuort prozess cun ses adversaris e gudignau clar cun 6:2 e 6:0. Il dubel nummer dus, ils cusarins Yanick Pally e Leandro Petschen, han spiars il « Champions Tie Break » cun 8:10 ed aschia ei la equip da Sevelen vegnida tier siu emprem punct. Nies noviz, Dario Albin, ha giugau il dubel nummera treis cun Simon Lechmann. Igl emprem set ei staus in si ed in giu. Igl emprem era il resultat 4:0 per Trun, denton pauc temps sunter eran ils hosps cun 5:4 en avantatg. Il Dario ed il Simon han denton buca piars il focus e la concentrasiun e gudignau igl emprem set cun 7:3 el Tie Break. Il secund set ei staus cun 6:2 ina clara causa per nies dubel.

Nus vein aschia gudignau il giug encunter Sevelen cun 8:1 e dau giu ina ulteriura gada ina buna carta da viseta pil club da tennis Trun.

Ina speciala e cordiala gratulaziun va a nies niev commember dalla equipa, Dario Albin, che ha astgau festivar sias empremas victorias el campiunadi dad interclub!

Nus vein finiu giu quei bi di cun burgers, pommes frites ed ina ni duas Calandas en buna cumpignia cun nos adversaris da Sevelen.